

十朝东华录

咸丰朝

第九卷
第九册

咸豐東華續錄十

臣王先謙敬編 臣陶澐宣恭校

秋七月乙酉朔諭內閣薩迎阿奏甘省營務廢弛籌議責成提鎮實力整頓等語昨據琦善奏番賊復出搶掠已有旨令該署督嚴飭鎮將跟蹤剿捕野番頻年肆搶官兵前往追捕未能得力甚至退縮不前總由該省營務廢弛已久歷任總督粉飾消弭以致養癰成患寔堪痛恨番匪出沒深山兵少則抗拒兵多則逃竄設卡巡防嚴密偵探最為要務著即責成該提鎮平日嚴督弁將認真操練兵丁飭令防守弁兵隨時確探如有野番出掠飛速傳報該提督迅派將弁帶兵趕捕該鎮即親帶弁兵馳往堵剿必須立時加以懲創使野番知畏不敢輕出肆劫並通飭地方文武查拏內地奸民毋令勾結接應以淨根株薩迎阿見署總督距裕泰到任為日尚遙恐秋間賊番復出劫掠滋事著會同提督索文嚴飭各鎮隨時認真防範並將廢弛積習實力整頓不准再蹈從前欺飾故智致干重譴儻將弁仍前玩泄奉行不力著嚴參懲辦○丙戌諭內閣前據徐廣縉奏名琛許乃釗奏南海縣西湖書院暨東莞縣士子因公項命案之嫌聲言罷考已降旨暫停考試茲據該督等奏稱倡議罷考之人多係刁徒藉端生事其安分生監不在其列等語見在鄉關伊邇多士有志觀光未便因一二刁健之徒致阻良善進身之路著照所請所有西湖書院及東莞一縣生監等俱著准其一體鄉試其倡議罷考之人仍著嚴拏究辦以示勸懲○諭前據徐廣縉奏稱已革右江鎮總兵惠慶功多過少當經降旨交資尚阿確查茲據查明惠慶曾經打仗有功無過畱心營務行軍頗有紀律賊入西林縣城時正當該鎮在上林墟剿匪地距數百里鞭長莫及並非託名防堵延不赴援惠慶著加恩賞給二品頂戴以總兵候補畱於軍營交資尚阿差遣委用以觀後效○諭見在徐廣縉前赴高廉一帶督辦軍務所有廣東剿捕事宜即著徐廣縉專辦至廣西省亦係該督兼轄之區其有交涉事件著與資尚阿互相知會毋致兩歧○資尚阿奏象州中坪一帶逆匪於六月初四等日竄回象鄉舊巢並擾桂平縣之新墟烏蘭泰向榮等連日追剿斃賊多名初八日賊越嶺分走小路兵壯施放槍礮連斃多匪初九日我軍進佔東鄉鄉斃賊數十人烏蘭泰督放火箭向榮策馬當先手執烏槍擊斃執旗賊二人坐騎中礮守備蔡應龍換給馬匹該守備步行短兵接戰斃賊三人該匪敗回村內困守不出又奏巨黨何名科糾黨五六千人踞信宜縣安鶴地方距北流縣境四五十里四出焚掠署北流縣知縣阮正惠召募丁壯並諭團練齊心堵禦五月十三日賊二百餘人竄入新豐外委石中寶團總監生蒙禮和等率領練丁圍擊被賊多名是夜又有賊三百餘人竄至文頭嶺等處經團總監生廖英千總黃遇陞等帶兵攻擊該匪逃竄計先後疊次殺賊多名生擒百餘名會匪凌十八踞東省化州平定墟距北流甚近聞安鶴逆匪挫衄即於十三日逃遁臣飭各文武奮力追剿務期弋獲上諭軍機大臣等該匪乘大軍尚未到齊即由象州回竄東鄉自係畏懼聲威負隅走險第恐其南合凌十八等股匪則黨與更眾剿辦尤為棘手該大臣密札桂平平南貴縣一帶嚴防江口並令候補知府劉繼祖帶領水勇防其偷渡分遣巴清德達洪阿各帶官軍兩路會赴潯州策應諒烏蘭泰向榮等有此聲援即可設法誘其出巢併力攻剿務須前截後追勿令勾結蔓延見在新調官兵計可全數抵粵

該大臣擬用全力攻剿會匪大股藉生力之兵可期得手以次分剿各路並激勵團練冀收實效甚合機宜應如何調遣防剿之處朕亦不爲遙制此次賊匪竄回舊巢究係分作幾股仍須防其聲東擊西誘我南向乘虛北撲致我兵又成尾追之勢所查各文武稟報股匪九處卽著分飭在事員弁度地相機併力兜捕早清一股賊匪卽早安一路生靈想該大臣與朕同心不煩諄諭也惠慶已明降諭旨以總兵候補其德亮是否堪責任使仍著隨時察看據實具奏本日又據徐廣綰等奏高廉一帶賊匪竄擾該督已於六月二十六日馳赴該處剿辦已諭令該督專辦東省堵剿事宜仍隨時咨報該大臣並嚴防西省逸匪竄入以冀勦力同心肅清邊圍將此由五百里諭知賽尙阿並諭巴清德達洪阿烏蘭泰尙榮知之○諭徐廣綰葉名琛奏遵查高廉賊匪情形及曾大生股匪一摺信宜縣賊首凌十八奔竄兩省肆行滋擾亟應嚴拏懲辦毋任遠颺署茂名縣知縣胡宗政前聽紳耆之言將凌十八之弟凌廿四保釋見經該督等將胡宗政撤任訪查務期徹底根究毋任蒙混其踞住安鵝之股匪何名科屢經兩省夾攻剿除黨與並將其母女妻子生擒解省惟何名科見在逃往何處仍著嚴飭緝拏務獲見在徐廣綰前赴高廉一帶督辦軍務葉名琛留省辦理文武鄉試所見甚是葉名琛於鄉試事竣後仍著駐省就近調度將此由四百里諭令知之○賽尙阿奏報粵匪情形並請寬期剿辦得旨卿之調度甚合機宜殊堪嘉尙朕心已深慰矣俟新兵到齊從容妥辦汝之性情稍急身體須加意保重至應何處添調何處防剿朕亦不爲遙制卿之忠悃朕鑒之亦天下所共知者○以追剿東鄉賊匪獲勝賞還提督尙榮花翎餘升擢有差○丁亥諭內閣鄒鳴鶴奏遵查廣西省道光三十年實欠在民錢糧懇請豁免等語廣西省被賊擾累節經降旨加恩期與吾民休息何忍更事追呼所有道光三十年民欠地丁錢糧著該撫查明確數開單具奏准其豁免其前請緩徵案內聲明照常徵收之三十年應徵本折米石官穀並著查明如有輸將拮据之處據實具奏准其一體豁免以紓民力該撫卽刊刻謄黃先行曉諭俾邊圍窮黎豫知朝廷德意用慰朕念○戊子允裕奏奏酌定福建保甲章程○己丑諭內閣奕山毓書布彥奏奏遵議滿洲營添考鳥槍酌擬考驗章程並綠營一律辦理一摺據稱伊犁烏魯木齊兩處滿洲營兵丁向係兼習鳥槍著卽責成該將軍都統等照舊教演毋令日久生懈其考驗官缺一節前據兵部會同八旗都統覈議具奏業經降旨各駐防旗員來京考驗加看鳥槍之處毋庸置議該將軍所請協領等員由部考驗鳥槍未能合式卽令暫回本任停其升轉保舉勒限勤習未免事涉紛繁著仍遵前旨務循舊制不必另議更張至伊犁所屬之錫伯索倫察哈爾額魯特四愛曼或專習騎射或向習杈子槍若另改其素習轉非用其所長所見甚是亦著仍循舊章辦理至伊犁烏魯木齊所屬之綠營各員送部考驗與旗營事同一律均著毋庸另議章程另片奏伊犁滿洲營籌款添造槍礮伊犁鎮標捐造擡礮長子等件請免造冊報銷及咸需操演鉛丸火藥請照例報銷等語俱著照所擬辦理○庚寅諭內閣給事中雋友麟奏吏治因循亟宜綜覈名實一摺各省大吏有察吏安民之責卽如緝捕一端疊經申諭力求整頓之方若如該給事中所奏近來四川之咽匪河南之捻匪湖南之齋匪湖北之痞匪以及山東兗沂曹安徽廬鳳穎地方匪徒結黨成羣幾於所在

皆有若不力加按捕何以除莠安良著該督撫等各飭所屬文武嚴密查拏以期消患未形毋得因循坐誤並著於年終將特旨交辦事件並摺獲盜案除辦結外其未完若干案分晰開單並將見辦情形具奏以備查覈至於辦事之遲速獲案之多寡即可驗屬吏之勤惰該督撫等如果表率有方吏治必有起色奸宄何至潛蹤斷不可仍前玩泄自蹈愆尤負朕諄諄訓誡之意也將此通諭知之○諭御史雷維翰奏吏治疲軟許告成風請申明舊例一摺近來各省被劫人員往往投遞呈詞藉端挾制許告之案層見疊出如被劫之員果有冤抑原許其據實申訴若於被劫本案之外摭拾別項款蹟砌詞聲聽顯係懷挾私仇藉圖報復而該管上司等恐被許告遂多徇隱或於開缺之後始行糾參或於已參之後復為消弭以致刁劣屬員肆無忌憚尙安望其整飭官方耶嗣後如有被參人員以不干己事許告上司以圖報復者內外問刑衙門著照定例立案不行仍分別治罪以杜挾制各省督撫以下凡有表率之責者如果各屬廉隅奉公守法自立於無過之地俾該屬員無瑕可指亦何至啟反噬之漸惟當激發天良潔己率屬不可因豫防挾制隱忍姑容亦不得因有立案不行之條恃為無人發覆遂不自加檢束也至各省遇有特旨查辦之案均應徹底根究迅速清釐毋得回護遷就轉致稽延庶大法小廉而劣員亦知所懲儆於吏治人心均有裨益將此通諭知之○辛卯浙江學政吳鍾駿奏甯波府城諸夷雜處左道易惑見飭各學教官於鄉鎮中勸立義學以正人心報聞○癸巳諭軍機大臣等昨據駱秉章奏查探兩粵賊蹤及防堵情形據稱廣西賀縣賊匪竄回懷集縣大竹埔與湖南江華縣接壤毗連廣東賊匪分竄樂昌縣平石市及陽山縣白虎墟亦與湖南宜章臨武二縣鄰近業經該提鎮添兵協堵並飭各該營縣雇募勇壯一律嚴防本日據吳文鎔張亮基奏粵西賊匪竄入滇省廣南府境當經弁兵練勇剿殺多名餘匪潰散滇省既有粵匪竄擾湖南毗連處所尤為喫重前有旨令程番采馳往湖南防剿著即會同該撫嚴飭地方文武於楚粵交界要隘分投防堵不得以兩粵逸匪距境稍遠遂形疏懈儻防堵不嚴致賊匪乘間竄入楚境句結蔓延惟該督撫是問將此諭令知之○諭吳文鎔張亮基奏粵匪竄入滇省廣南府境經兵練剿捕潰逃見在添兵防堵一摺雲南廣南府三面界連粵西先經該督撫飭屬嚴防四月下旬有西林縣賊匪二百餘人竄至距府城一百五十里之者孟上下兩寨地方滋擾當經兵勇剿捕格斃十八名生擒五名餘匪潰逃仍竄回西林縣境據稱地方居民尚未被其蹂躪但滇粵犬牙相錯必須嚴加堵截方不至越境蔓延該督撫見已派員添兵防守著即嚴飭地方文武於交界要隘實力查拏毋稍疏忽雲南既有粵匪竄擾貴州各屬毗連處所尤為喫重並著喬用遷於黔粵交界一律嚴防勿懈其雲南邱北一帶夷酋之黑沙人春間曾有竄入粵省邊界搶掠之事著隨時嚴拏懲辦勿令復出滋事以杜句結將此各諭令知之○乙未諭內閣戶部錢法堂奏滇銅解運遲延已酉未到三運或甫入東境或甫抵清江庚戌六運均無確信恐綽不濟急等語銅運攸關鼓鑄似此節節耽延必致遲逾貽誤疊經降旨飭催仍著沿途各督撫及派出之藩臬各員並河漕各總督不分畛域一體飭屬嚴催務令趕緊運京以資鼓鑄毋任遲延儻各該運員任意逗遲或沿途地方官不能實力催趨即著指名嚴參懲辦○庚子貴州阿泰新墟股

賊軍政即在其內後路東鄉之賊係馮雲山爲首已入紫金山連日據烏蘭泰呈報六月二十七日令經文岱張敬修等由馬鞍嶺鷄公嶺進攻新墟莫村東面李能臣王錦繡等由新羅塘靈客進攻新墟東南面上瑤十八村圍練千餘人進至羅旺過河直撲新墟聽護甲地方號礮火箭號烏蘭泰同總兵秦定三由思盤過河知會李瑞王夢麟等嚴堵古城塢鵬化隘口以防賊竄嗣查明護甲積沙壅聚可以淺涉其地即莫村賊巢後面烏蘭泰由護甲潛行過江二十七日甫經接仗匪即退走烏蘭泰知彼處有竹園村竹木叢雜最便埋伏先令秦定三伏兵其處果見賊由對面平岡蠶擁而出直趨竹園秦定三用礮攻打一食頃間賊屍遍地趁勢窮追匪徒拌死回關烏蘭泰激勵兵勇愈戰愈奮直至莫村巢穴又殲匪數百名除四散奔竄外全數遁入新墟天已昏黑撤兵回營計共殲匪二三千人此二十七日連次獲勝情形也達洪阿所帶之兵於二十八日可抵潯州俟生力弁兵會合再圖進剿又奏六月十一日賊二千餘人由思盤搶渡被圍練擊退復由盤龍河偷渡李孟羣會商守備李進榮帶兵堵截下游親帶練丁八百餘人馳赴盤龍水口見匪政手執白扇其餘頭目執黃旗吶喊而來李孟羣督飭壯丁連放巨礮斃賊四十餘人次日該匪又欲偷渡守備李進榮督同把總劉正林帶兵抵擊適左江道楊彤如潯州府張其齡添派壯勇到齊十三日該匪二千餘人在田坡排列旗礮分伏竹林我兵四路並進放礮夾攻賊退入上龔村逃竄各兵勇奮力勦殺斃賊百餘生擒二十餘該署令李孟羣實爲出力懇將該員以知府升用先換頂帶守備李進榮把總劉正林以應升之缺升用又奏准撫臣鄒鳴鶴咨據革道林士傳稟稱逆匪曾亞涓等餘黨一由栗塘連山逃去一仍竄賀縣都江流沖一帶該道由官潭移紮賀縣催督各路兵勇合力勦堵該匪於五月二十日翻山出川洞口欲過河竄往大凝經富賀營兵勇分投堵禦遂竄往沙黃牛角寨附近連山境界各兵勇復分路追捕該匪勢蹙於六月初一日翻山竄出桂嶺偷渡過河兵勇追躡初二日在格思營楓木脚等處疊將該匪痛剿擊斃五十餘人生擒二十餘人餘匪往里松黃田一帶奔竄其由栗塘逃去一股據該革道轉據懷集縣張凱嵩等稟稱曾亞涓已於六月十五日在廣甯縣扶溪口就獲業經廣甯縣審解臣查曾亞涓與溫大貨五糾匪竄擾拒捕戕官五月內溫大貨五已獲茲該犯亦復就擒餘匪搜除殆盡該革道林士傳尙知奮勉見當溥梧各屬勦辦需人之際賀懷等處漸臻安謐擬令該員前往梧州防剿懇賞給五品頂帶以資彈壓又奏劉入一股眾至逾萬積年竄擾博白合浦等處茲據博白縣升任知縣游長齡會同在籍前任黎平府知府朱德璉稟稱劉入竄沙河經廣東官兵大創後復由花石竄野鳴塘該縣等追捕至松山龍潭等處劉入由合浦公館墟一路逃竄又由合浦沙堡墟渡江潛往龍門等處當派生員王汝諧等帶練追捕劉入妻李氏抱幼子藏匿合浦博白交界東埔山內職員游居誠帶練接捕十七日在東埔竹嶺嶺搜獲劉入妻子並隨行賊匪四名又據王汝諧等同稱劉入逃往合浦北塞墟左近被東省鄉勇盤獲解赴合浦縣審辦統計此次續報各處練壯殺賊五百三十餘名生擒著名賊目及僞先鋒等多名就地正法劉入妻子收禁聽候辦理臣查劉入滋事以來煽惑萬眾竄亂東西兩省罪大惡極該升縣同知府朱德璉董率紳民練勇會同東省官兵攻擊掃穴擒渠朱

德璵游長齡請旨賞戴花翎再該縣團練最爲得力見當通省舉行團練之際懇恩准將肇慶府知府游長齡開缺作爲卽補知府
暫留廣西辦理團練及剿捕善後各事宜均有裨益 上諭內閣逆匪曾亞涓竄擾兩省經已革道員林士傳分飭文武帶領兵勇
疊次追剿斃賊多名復轉據懷集縣報在廣甯縣扶溪口將曾亞涓擒獲此次兩省合剿首犯就擒餘黨搜捕殆盡該革道等辦理
尙爲奮勉林士傳著賞給五品頂帶飭令前往梧州防剿○論逆首劉八連年竄擾廣西博白縣及廣東合浦縣交界地方經知縣
游長齡等董率紳民練勇與廣東官兵合力兜擊將著名賊目及僞先鋒等拿獲又拿獲劉八妻子至逆首劉八已由廣東合浦縣
擒獲該逆首屢次煽眾抗拒戕害官兵罪大惡極茲經兩省文武紳勇會同攻剿將此大股一旦殲除洵足伸國法而快人心游長
齡辦理團練認真出力朱德璵率領有方均著加恩賞戴花翎游長齡業已升任廣東肇慶府知府著開缺作爲卽補知府畱於廣
西董辦團練及剿捕各事宜其廣東合浦縣拿獲劉八係屬何人並著徐廣縉等查明具奏候朕施恩○諭軍機大臣等據賽尙阿
馳奏進剿新墟大股賊匪七獲勝仗一摺另片奏會剿股匪將逆犯劉八曾亞涓擒獲夥黨殲除殆盡又地方文武由水路防剿賊
匪各情形覽奏實深欣慰此次東鄉新墟大股會匪經烏蘭泰等督帶弁兵分路進攻一日之間連獲七勝殲賊二三千人賊鋒大
挫該大臣調度有方烏蘭泰督率在事文武謀勇兼施從此乘機痛剿何難剋日殲除烏蘭泰於獲勝回營後次日當已進兵向榮
由後路攻入達洪阿所帶之兵亦可馳到諒已續獲全勝奏報在途矣會匪車政保屬渠魁必當設法殲除勿令免脫至馮雲山爲
東鄉賊首見在竄入紫荆山恐其翻越滋擾尤當趕緊克截毋使逆飢復張該逆匪等詭詐性成我軍乘勝追擊萬勿稍存大意墮
其奸謀是爲至要其劉八曾亞涓二犯業經廣東擒獲惟凌十八一股前據單開逃至化州平定墟地方兩省文武見在如何勦辦
著卽飛咨東省合力會剿此股亦係著名兇狡會匪卽當趁此殲擒勿留餘孽將此由五百里諭知賽尙阿並諭令巴清德達洪阿
烏蘭泰向榮知之○河南巡撫潘鐸奏諭旨飭將河南捻匪橫肆情形及見在籌畫事宜明白回奏查豫省南汝光等處民風
強悍匪徒結捻成習最爲民害 上諭於上年巡閱營伍時訪有喬建德等糾結匪類於泌陽縣鄉村勒詐情事當飭南陽府知府葉法
督飭所屬嚴密查拏並勸諭紳民自爲保衛本年四月間 聞泌陽縣有匪徒宋紹德滋事喬建德仍在其內隨將查出名單嚴飭
南陽府知府並咨會南陽鎮 督飭縣營擒捕乃僅獲從犯二名並未將喬建德等緝獲縣營相率因循已成積習是以從嚴將督
緝之知府守備奏參摘頂係爲振作捕務起見實非敢於事隔一年始以一參塞責奏參之後節據該府稟報獲犯四十餘名並獲
另案著名擒首宋紹德等惟匪徒此拏彼竄往往倖逃卽如原奏內稱喬建德匪黨盤踞角子山攔路搶劫道路梗塞一節查角子
山與唐縣桐柏確山等縣及湖北隨州連界不通大道路徑叢雜深險之處車馬不能容實爲逋逃淵藪其泌陽縣春水鎮白貓垓
等處卽附近角子山之側該府見在沙河店各處緝捕節據稟報地方安靜並未聚集匪眾情事 仍當督飭南陽鎮總兵圖塔
布南汝光道鄭敦謹上緊搜捕務令全數弋獲又原奏內稱泌陽縣捻匪數百人一日搶掠十數家設斃事主七人及唐縣擒匪千

餘人肆行焚搶幾致圍城各節均未據該縣及該管道府稟報俟查明如有誣匿情事從嚴參辦又原奏內稱南召縣捻首李大李二率匪千餘將陳姓家搶劫知縣畏葸不辦事主咨訴鄰境裕州知州姚慶溥率領兵壯往捕該匪放礮抗拒緝獲李大一節查南召縣詳報本年二月初三日事主監生李中楹家被劫已獲首從要犯三人適裕州知州姚慶溥因公在省就近私查據稟實無代姚慶溥率獲喬旺誤認爲喬建德於到案後即經訊明並非南陽府葉法誤拿臣前因南陽府文武緝捕不力專摺參奏亦無誤拿捻首之語謹將大概情形及有卷可查者先行據實具奏 上諭捻匪結黨肆擾最爲閭閻之害全在該大吏平時加意訪查嚴拏懲辦庶可弭患於未形若至釀成巨案尙以未據屬員稟報爲辭則不肖州縣規避處分多方諱飾何所忌憚安民以察吏爲先豈民生疾苦僅憑屬吏一紙稟報聽其欺蒙耶外官習氣沾染深著潘鐸遵照前旨將各案匪犯遞派幹員分路捕拏嚴行究辦務使地方靜謐不至別滋事端其該地方官有諱匿畏葸等情查明據實嚴參若官官相護代爲諱飾潘鐸之咎更重矣懷之將此諭令知之○以攻剿新墟獲勝賞副都統烏蘭泰花翎賞還總兵官秦定三花翎擢知縣李孟羣以知府用餘升敘有差○辛丑諭內閣御史宗稷辰奏實行保甲事宜十條保甲爲弭盜良法向例編查完竣年終彙奏一次原以昭覈實而期經久乃近來沿爲具文有名無實節經降旨通飭妥辦該御史所奏久任一條古之郡守牧令行一善政動須數載惟能始終其事是以立法周詳今之州縣雖不能不因度量材以時遷調至於典刑除弊實非旦夕可期卽如辦理保甲亦須寬其時日俾得從容奏效儻責之太急勢必草率從事以爲見長地步上司不加查察被其蒙混致開濫保之端非徒無益又滋流弊至所稱填寫門牌宜詳細覈對董事胥役毋派費累民及酌用丞簿等官以資襄助分編巨族小姓以爲聯屬並可申明讀禮之典兼收團練社倉之益所奏各條如果實力奉行地方必臻安謐著各直省督撫各就該處情形詳加體察參酌行之但不得視爲故事徒託空言其或循良之吏規畫於前庸劣之員廢弛於後則徒法不行終歸無濟惟在封疆大吏知人善任使良法美意經久不渝於吏治民風庶有裨益也將此通諭知之○壬寅諭內閣昨據賽尙阿奏殲除賊匪曾亞淝一股已降旨著徐廣縉等查明擒獲該匪人員卽行保奏矣茲據該督撫奏稱廣甯影匪曾亞淝經湖州兵勇痛剿分股逃竄屯踞橫石墟衛佐邦督飭弁兵分作兩隊先後進發繞至墟外施放連環槍礮該匪力不能支盡從後路翻山竄逸經李敦業督同署廣甯縣知縣程兆桂並該營營汛帶領兵勇於十七日在廣甯之洪溪地方將曾亞淝及夥黨十一名擒獲並另股糾夥之曾土生等亦先後全行拏獲其竄入都江各匪復經前廣西鹽法道林士傳拏獲殆盡該匪竄擾兩省閱時已久茲得掃除淨盡洵足以伸國法而快人心該督等督飭地方文武合力協剿辦理實屬認真所有在事出力文武各員著卽查明保奏候朕施恩其節次陣亡弁兵壯勇一併查明交部議卹○諭軍機大臣等徐廣縉等奏剿辦會匪凌十八一股由西省竄回信宜之懷鄉墟經總兵楊昌泗知府胡美彥於六月初五月初七日兩次進剿殲擒百餘名焚燒賊巢十餘間因

賊眾兵單未能痛加剿洗是此次接仗情形未甚得力該匪等聲勢相侵凌十八日不除則事政得藉資援應西省勦辦亦難得手且尙有何名科一股首匪未獲一經嘯聚句結必致到處蔓延該督見既飛調潮州兵勇及提標各弁兵親往督剿務將各股迅速撲滅總期於兩省毗連處所嚴飭文武分堵夾攻不得再令該匪東西竄擾該督見駐高州一帶所有勦辦一切情形該已隨時知照賽尙阿和衷妥辦不誤機宜也再前據駱秉章奏探得廣東英德曲江一帶所有賊千數百人分起行走又連州屬之陽山縣白虎墟一帶所有匪二百餘人竄擾均五月內之事與湖南地界毗連並著該督撫查明此二股賊匪見在如何情形該地方文武如何勦捕曾否淨盡徐廣縉見赴高州著葉名琛就近查辦迅速撲滅毋致滋蔓爲要將此由四百里各諭令知之○癸卯 御製述志詩示在廷諸臣曰大廷循典觀公卿 考訓親承戒滿盈慎厥修身四時懷審於出治一心明屏私圖已兼援友盡敬愛君必澤張宵旰勵精期共勉閉邪陳善竭丹誠又於詩註內訓諭廷臣曰朕自幼卽渥蒙 皇考誨育深恩追膺 付託之重 諄諄以奉三無私保泰持盈爲勸 言猶在耳敢不銘心是用慎厥身修克自抑畏審於出治以正朝廷爾諸臣亦當知爲臣不易思日贊襄屏圖已援友之私庶期公溥務愛君澤氓之實力戒因循陳善閉邪屬精圖治宵衣旰食朕志不渝茲於御門聽政援筆成吟爾諸臣其共體朕意毋蹈積習實有厚望焉○調任安徽巡撫王植奏摺獲安徽擒匪高四八孜等審辦得旨嚴行審辦務期淨絕根株斷不可含混了事此旨著傳知蔣文慶○命前任福建巡撫徐繼畲以四品京堂候補○乙巳諭軍機大臣等有人奏湖南衡永寶三府郴桂兩州以及長沙府之安化湘潭瀏陽等縣教匪充斥有紅簿教黑簿教結草教斬草教捆柴教等名目每教分溫良恭儉讓五字號每就總領數百人至數千人又有齋匪名曰青教皆以四川峨眉山會首萬雲龍爲總頭目所居之處有忠義堂名號其傳徒皆用度牒蓋以圖記聲勢聯絡往來各處皆供給銀錢飯食每月按三六九期赴會頭目乘輪騎馬動輒數百人搶奪淫掠無所不至地方官不敢櫻鋒遇有呈報會匪字樣偏令更換呈詞或改盜爲竊反將事主收押陵虐遂致匪燄愈熾又寶慶府之邵陽新化武岡等處教匪以阻米出境爲名肆行搶奪各等語匪徒擾害閭閻總由地方官不能覺察於先又復容隱於後似此黨徒充斥若不早絕其源必致蔓延句結若程喬采會同駱秉章按照摺內所指各情嚴密訪拏務期消患未然勿使釀成巨案見已諭令徐澤醇訪拏峨嵋山會首如該省訪獲要犯訊出情形即密咨四川一體查辦又據片奏該匪傳教惑人有性命圭旨及水滸傳兩書湖南各處坊肆皆刊刻售賣蠱惑愚民莫此爲甚並著該督撫督飭地方官嚴行查禁將書板盡行銷燬仍當嚴飭各屬勿令吏胥藉端滋擾原摺片著鈔給閱看將此諭令知之○諭有人奏湖南地方教匪充斥以四川峨嵋山會首萬雲龍爲總頭目等語湖南與四川接壤該省會匪甚多朕早有所聞節經降旨令湖南省嚴密查訪該匪徒等傳徒布黨必有總頭目爲之首倡以致煽惑日眾前據該督徐澤醇覆奏訪查綦江匪徒馬武成並無其人今復有人奏峨嵋山藏匿會首之事此等匪徒行蹤詭秘姓名既可改易地方亦可遷移委查之員或稍不盡心或意圖省事輒以查訪無蹤一稟塞責切不可受其欺蒙著徐澤醇按照此次所奏各

情遴委委員嚴密訪查固不可張皇滋擾亦不准諱飾養奸萬雲龍一犯如有其人必當立擊嚴訊並可將究出徒黨知照湖南一體查辦務須淨絕根株勿貽後患原摺著鈔給閱看將此諭令知之○丙午諭內閣靈桂自簡任總管內務府大臣以來察其言動頗覺高興見值恭辦 昌西陵工程輪應住班因病未往本日銷假召見據奏稱伊合家患病伊母近因初喪幼孫殊深軫悼並稱奴才至工次察看懇恩俟八月初間仍同魏元煥回京我 皇上以孝治天下諒無不允准之理其母患病與否自問於心可知已屬忘情偷安意存要挾我宗室中從未有似伊無出息者又奏稱阿靈阿病尚未痊吉倫泰有赴 陵差使可否令吉倫泰就近照料其意即欲令吉倫泰在彼住班尤屬膽大妄言居心詐僞靈桂惟知眷戀妻孥全不以公事為重即此一節已應立予罷斥第念伊歷練未深姑示薄懲靈桂著毋庸辦理 陵工並革去工部左侍郎總管內務府大臣仍留正紅旗蒙古副都統令伊痛改前非盡除萎靡之習仍可再邀恩眷也○諭前因兩江總督陸建瀛奏請崇正學以黜邪教當經降旨飭令各省地方課士投徒均以御纂性理精義 聖諭廣訓為講習之本良由士為民倡士習端則民風自歸淳正近年兩廣盜賊肆行據奏多係會匪煽惑鄉曲愚氓習聞異說致罹法網朕甚憫焉因思正人心必先息邪說息邪說必先廣化導恭讀 皇考宣宗成皇帝欽定敬開 聖諭廣訓黜異端以崇正學一條四言韻文語簡意賅允足警覺冥頑俾知感悟從前曾奉 諭旨頒行直省大小官吏自必敬謹奉行第恐日久視為具文而窮鄉僻壤又未能家置一編人人誦習茲特親書一通命武英殿勒石搨印頒行天下各直省將軍督撫府尹學政督飭地方文武官員及各學教官欽遵宣布無論官紳士庶均准摹勒刊刻以廣流傳俾山陬海澨鄉塾黌蒙口誦心維滌瑕蕩穢咸曉然於名教之可樂邪說之難容父師以是為教子弟以是為守正道既明羣情不惑一切妄誕之言無從煽誘薄海蒼黎涵濡 聖化風俗蒸蒸日上朕實有厚望焉將此通諭中外知之○賞已革吏部尚書文慶五品頂帶命辦理 昌西陵工程○以

德興為工部左侍郎_{署吏部左侍郎}○汪本銓以親老免調椿壽為浙江布政使以恆福為湖南布政使周啟運為直隸按察使_{由通永道遷}○丁未諭內閣工部奏南河西隄工程銀兩是否仍令造冊報銷請旨遵辦等語此項工程銀兩著仍遵前旨免其造冊報銷至南河工用議定每歲以三百萬兩為率不准於定數之外任意浮加該河督務當實力撙節於借墊攤還之款仍須認真稽覈毋得因邀免報銷遂致工程草率帑項虛糜又滋流弊○已酉諭內閣陸建瀛楊以增奏南河工需情形等語見在甫交秋汛河湖水勢消長無定惟當加意防護不可稍失機宜至需用款項如果實係緊急自應豫為籌備但須力求撙節不可開浮濫之端著該督隨時察看情形嚴實奏辦其所稱向來遇閘之年均著添請銀兩之處著該部查議具奏尋奏查南河歷次遇閘舊案或因黃運兩河異漲或因運河兩岸要工皆係豫籌要需並非專為遇閘請撥不得援以為例河工錢糧原以工程之大小為憑非以日數之多寡為計請仍飭該河督等力求撙節以待定制從之○賽尚阿奏查粵西軍務由將帥各執己見賞罰既不相謀功罪何由得當周天爵人本頓直惟多率意而行毫無區別之處眾心益難傾服辦理更覺掣肘即如烏蘭泰所奏獨釐山南先勝後敗一節查周周天爵及

烏蘭泰原奏其所敘情節前後詳略不無舛漏以臣所聞係該匪壅流設伏誘官軍烏蘭泰乘勝前追催令馬善寶等率兵徑渡墮賊奸謀以致官兵二百餘人死於鋒刃者十之二死於湍流者十之八烏蘭泰目睹輿尸欲以身殉中情痛迫不爲無因然輕進失機究與臨陣退縮有間似亦毋庸深究惟威甯鎮七賊撲營千人潰敗一節該總兵重綸實係先期患病在蒙州城調養尙無規避情事是日撲營賊匪分股前來實有數百俟倏擊梅慶祿到家前後情節不難嚴究務期水落石出以服眾心又向榮所帶湖南弁兵初到粵時連獲勝仗向榮所用黑旗逆匪望而退卻以臣訪聞向榮每得一勝仗每兵賞銀一兩其時帶兵尙少及李星沅到時謂其難以爲繼令減作三錢軍中譁然誓不出力後雖改同一兩而兵心已渙竟難復振至向繼維保舉一節聞係同營將弁公呈求李星沅保奏並非向榮之意其後來不聽號令之故不係乎此見在湖南兵丁業經札飭挑選已分別病弱者一千餘名撤回歸伍重綸所帶黔兵派赴南太隨勞崇光剿捕顏品瑤大股匪徒六月二十七日新墟之役奏定三李能臣經文岱等均能同心勦力設計用伏使逆匪大受懲創可見各營將弁具有天良並非不願殺賊立功伏思已往情節諮訪既難得實誠恐少有偏聽仍蹈前轍矧當各文武振勵精神馳驅用命之際一予糾察則眾情疑惑人人有自危之心兵機所關誠非淺鮮以臣愚見惟有懇恩自到粵之日起所有從前不遵調度各情及漏未參劾之處一概寬其既往若復狡猾推諉坐失事機臣欽遵面奉嚴旨凡歸節制之員一面奏聞一面卽於軍前正法以肅軍令又奏中坪賊匪始意窺伺省城因兩次北撲受創遂翻山南竄惟省城並無多兵僅恃募勇團練近日盤獲奸細知荔浦陽朔一帶均有匪徒勾結又湖南與粵西接壤之區屢有匪徒出沒再四籌思惟暫駐省城藉坐鎮之勢消羣逆之萌使大股賊匪不敢北窺桂林宵小之潛伏者亦不敢狡焉思逞且就近與撫鄒鳴鶴商辦一切事件似較妥便又奏查逆匪前股分駐新墟安眾莫村盤龍一帶重政胡以洸蕭潮濱楊秀青在內後股在紫荊山內花雷茶地大坪村等處洪秀泉馮雲山在內其後路雙疊山頂有賊扼要屯聚最後豬仔峽有賊守險並有屯糧山勢斗險該匪於各要口壅斷路徑壘石架木設柵堵守烏蘭泰等兵勇分爲西路東路均在紫荊山前提督向榮等兵勇在紫荊山後烏蘭泰先期知會各路於六月二十七日進兵並知會向榮撥兵赴山放礮以亂山內賊勢是日烏蘭泰督兵勇千五百餘名由護甲間道涉淺渡河整隊前進匪隊退回忽聚忽散林內伏賊亦忽去忽入奏定三兵已由竹園村南來漸至第二竹林後烏蘭泰卽令在林後整隊豫備時莫村北邊及大莫村東南房屋已爲火箭焚燒另股賊五六百人奔入竹林欲鈔我軍兵勇連放槍礮打傷無數其南邊另股已入兩林間奏定三兵由南林後迎出槍礮齊發該匪前隊俱倒後隊飛奔其落後者均已刺斃此烏蘭泰進兵大勝之詳細情形也總兵李能臣於六月二十七日五更出隊會同王錦繡由白鳩石角一帶前進離千村四五里該處有溪河二道兵練涉淺而過將及岸西該匪數千擁擁撲來李能臣飭兵練伏住勿動連施槍礮該匪紛紛倒地自己已至末斃數百人該匪敗回千村李能臣親督將弁燒燬該匪哨樓一座該匪伏竹林放礮滇黔兵兩路夾攻該匪不能藏伏敗回三里村官軍奮勇直攻該匪分三股迎敵自申至酉該

匪敗退新墟我兵進攻天已昏黑當即撤回此李能臣進兵獲勝之詳細情形也經文岱亦先接烏蘭泰知照於二十七日會同張敬修督帶兵勇出隊至古壩村有古秀河一道不能涉渡逆匪數百人對河拒敵兵勇齊放槍礮擊斃多名賊即退去經文岱等立飭兵練砍竹木築簞二十餘架用作浮橋兵勇如履平地過河離新墟四里許見蔗田一帶足可埋伏遂密與張敬修分伏蔗林飭弁兵前往新墟誘敵良久賊出二千餘人我兵詐退賊果涉水來追我兵且前且卻誘至蔗田伏兵盡起奮力攻擊銳氣百倍自午至申斃匪數百人時有辦理雲南糧員署武宣縣陳寶運糧到陣接兵散給軍士騰歡此經文岱獲勝之詳細情形也是日向榮亦出隊至雙鬢腳該處左山右水羊腸險峻一起一伏兵壯連爬山嶺計十餘里該匪鳴角放礮滾石阻我隘路官兵亦開大礮轟擊相持一時許山勢過斗不能攻入二十八日向榮親督兵壯移偏山角至屯應村紮營差人上山攀藤附葛直上山顛並派令陳瑞芝帶潮勇入山探路連燒賊棚五處砍倒木柵五座直探至豬仔峽該處兩山並峙中通一綫十分險該匪先將大石塞路我兵仰攻人力難施另覓路徑以圖進剿此向榮連日進攻紫荊山後路之詳細情形也查此賊自中坪新寨回竄以來盤踞紫荊山內花雷等處前以新墟為門戶後以豬仔峽為門戶見在前路烏蘭泰等雖獲大勝而新墟即日未能攻破後路向榮雖連次進攻而豬仔峽出勢斗隘亦未能奪獲見在達洪阿統帶川兵業已到潯不日即與烏蘭泰會合巴清德亦自象州帶川兵前進計日可與向榮會合仍隨時嚴飭各路文武將弁相機度勢務期迅速肅清所有紫荊山前後兩路攻剿會匪均屬奮勉烏蘭泰謀定後戰號令嚴明奏定三營兵接應斬獲甚多應請賞戴花翎李能臣王錦繡相機會剿屢挫賊鋒經文岱張敬修設計用伏燒燬賊巢尤善用兵向榮應期攻剿督率有方請旨交部從優議敘陳瑞芝連破五寨勇往可嘉請賞戴花翎署武宣縣陳寶以糧食分給兵丁應時之需極為得濟請旨交部議敘上諭軍機大臣等賽尙阿奏進剿新墟詳細情形並提督向榮攻擊豬仔峽得獲勝仗另單奏各路剿匪情形披覽均悉紫荊山大股逆匪經官兵四面堵逼勢漸窮蹙自應隨時合力進攻該大臣仍駐桂林扼其由大樟北竄之路所見甚是但恐兵力厚集前後夾攻之際該匪勢窮鋌險挫死突奔凡北面山嶺險隘之地固屬緊要其南路通江各渡口尤宜嚴加堵截勿任竄突南趨至糧鹽為賊匪必需必當設法斷其接濟攻剿更易得力此時大兵會合節制嚴明蠢茲小醜定必一鼓殲除餘匪自望風瓦解朕日盼捷音之至也至節降諭旨查覈前此各文武功過據奏見當用人之際姑寬既往備能和衷集事奮勇圖功所有從前不遵調度及漏未參劾之處即可無庸深究所論亦合機宜均著照所議辦理至單開各路剿辦情形南太一帶兵單賊眾尤關緊要雖經添兵協剿仍須防其奔突蔓延該大臣務當督飭司道鎮將等激勵兵勇互相保衛並隨時知照徐廣縮合力兜捕使著名賊首迅速就擒將此由五百里諭令知之○賽尙阿奏遵查鎮將不和情形並隨時開誠布公寬嚴並用新墟之役各營將弁戮力同心可見具有天良得旨皆汝聲望所致將士用命亦不必過為諷抑又奏籌布大局擬暫駐紮省城批持以觀靜斷乎不可焦急○安徽巡撫蔣文慶奏壽州匪犯程六麻敗與合肥縣擒匪高四入夜結擒肆橫抗官拒捕另有高占貴謝

正科亦均係積惡匪徒黨援恣擾臣嚴飭文武員弁實力兜拏節據該員先後稟復匪黨段洪等十七名並要犯謝正科高占貴高四八孜等三名餘黨四散查高四八孜高占貴謝正科或係逃遣皆屬亡命之徒段洪等亦均與程六麻孜等訛搶有案見既拏獲自應提省嚴究從重懲辦以昭炯戒仍嚴飭各地方官務將程六麻孜等按名弋獲以靖地方上諭務期淨絕根株不准稍畱餘孽此次辦理後若仍蹈故轍致被牧令朦混朕惟蔣文慶是問○庚戌翰林院呈進侍講學士潘曾瑩撰擬原任兩江總督李星沅祭文碑文得旨祭文碑文獎譽過實況辭藻太多著另行刪改李星沅調度失宜惟念其沒於王事故爾優卹其功過不相掩之處亦應敘明溯其歷任封疆尤不足稱矣○壬子命工部尙書阿靈阿總管內務府大臣基溥泰甯鎮總兵官德春恭辦幕陵隧道工程○甲寅諭軍機大臣等陸建瀛奏遵旨查拏捻匪情形等語安徽壽州合肥等處匪犯節據王植蔣文慶嚴行審辦務期淨絕根株茲據該督奏稱程六麻孜見已究出蹤迹著即嚴飭地方官迅速查拏毋使漏網其邳州與山東連界地方及與銅山縣交界地方均有匪徒滋擾業經陸建瀛飭令徐州鎮總兵督率將弁嚴行搜捕仍著該督撫等隨時嚴督地方文武一體緝拏並查明前次帶兵捕匪之千總趙守元有無畏葸情事從嚴參辦至徐州一帶與山東鄭城蘭山等處連界該匪徒等此拏彼竄勢所必至著陳慶偕遞派得力員弁於兩省交界處所合力兜捕並查沂州等各屬有無土匪勾結潛藏認真偵緝不可稍分畛域其程六麻孜是否即裔建德黨與著陸建瀛等查探確實知照河南查拏究辦毋稍疏縱將此各諭令知之○是月緩奉天新民廳歉收地畝額賦賑福建澎湖廳被災民緩山東曹嘉祥二縣濟甯等二衛電災新舊額賦免兩浙各場道光二十一年以後歸戶積欠額賦

八月乙卯朔寶尙阿奏逆匪竄踞紫荊山分飭各營相機進剿七月十九日據達洪阿烏蘭泰咨報初十日卯刻進兵豫期知會總兵李能臣副將王錦繡帶兵勇千七八百名由新羅塘等處攻新墟東南總兵經文岱署道張敬修帶兵勇二千餘名由馬嶺等處攻新墟正東署總兵李瑞王夢麟撥兵八百於新墟之東北截擒逃匪達洪阿督兵過思盤渡走安樂塘攻莫村之北新墟之西南烏蘭泰復督總兵秦定三過思盤渡攻新墟西北並堵紫荊山口兼防金田伏賊且戰且進自辰至未斃賊四百餘人賊勢大挫逃回寨內山內賊巢星羅碁布各處進山隘口均有賊守巴清德向榮先將山內路徑探明將兩營兵勇分路於十五日寅刻進剿先期密派兵勇由開道翻山爬嶺乘夜至豬仔峽雙髻山等處各隘口繞賊上路合擊分派總兵劉長清帶兵四百名由崇響翻山攻豬仔峽參將巴彥布等分帶漢屯川兵義勇仁勇共千二百餘名攻冷田黃茅嶺署總兵松安等分帶皖楚兵八百名攻豬仔峽中路其餘各要隘分派弁兵潮勇攻擊巴清德統領京營員弁及漢屯兵勇會合同榮直由中路進攻該匪於正面山峽內設伏阻截木石並發槍礮疊施山路險窄我兵致有受傷巴清德催令兵勇分由兩旁進剿不准退縮我兵奮力直攻峽穴賊匪退後進至要口斃賊甚多當將豬仔峽要口奪回其雙髻山賊匪見我兵占據隘口槍礮木石如雨齊發我兵不能直前巴清德傳令俟賊槍

礮放過我兵即齊心迎擊並派參領福曜施放火箭將賊望樓焚燒並轟著火藥一桶賊始驚惶我軍時已繞出賊後上下夾攻匪眾逃竄我兵搶上山頂仍飭兵勇窮追該匪熟悉山徑由小路南竄我兵追三十餘里斃賊不少該逆死踞新墟者因晚稍將熟計圖掠獲入山是鵬化大樟二路必須嚴防已派桂平道許祥光募勇堵禦鵬化大樟一路有總兵李伏長瑞帶兵駐紮上諭軍機大臣等本日據賽尙阿由六百里馳奏進攻新墟賊巢並攻破雙髻山要隘移營山頂各情形此次進攻新墟達洪阿烏爾泰等督率鎮將分路進兵若非車允升誤遇伏匪被害又值大雨已可直搗賊巢殲茲孽醜雖小有挫衄究屬奮勇爭先已清德向榮等由紫荆山後路越嶺前進攻克豬仔峽連破雙髻山險隘要口一日之間進占山頂又復窮追深入斬戮多名覽奏曷勝嘉慰此時賊匪失其負隅之固我兵據險臨高勢若建瓴事機極為得手惟地處險要賊必拚命爭拒我兵固當乘勝進攻尤當防其鈔襲後路務須步步為營聲勢聯絡庶期有進無退計出萬全車允升所帶香山壯勇甚屬得力見交何人管帶正可乘其奮激勉以圖功前據奏豬仔峽為賊匪屯糧之所今既攻破該匪勢更窘迫惟見當早稻登場難保不意圖搶掠苟延殘喘自應迅速合剿斷其糧食使賊首進無可掠退無可守我兵奮力殲擒居民亦可乘勢縛獻相度機宜時不可失至鵬化花洲大樟等處山徑紛歧賊匪窮極或思回竄且路通平南一帶我兵見在前後圍攻新墟逆首韋政洪秀泉馮雲山等均在圍中若不嚴防竄路即使埽穴恐未能全獲渠魁該大臣已先見及此必能加意防堵殲除醜類淨絕根株也朕於昨日賦盼信詩二首今日即得捷音深慰繫念惟冀該大臣等迅奏膚功同膺懋賞勉之將此由五百里諭令知之御製盼信詩曰狼奔豕突萬山中負險紫荊山必自窮峽豬仔界雙峰抗難破兵分五路銳齊攻壯哉烏烏向向策策兼兼勇勇嘉爾嘉爾奮奮向向鄉鄉鄉鄉才才濟忠權有攸歸師可克威揚邊徼重元戎羅劫吾民堪浩歎冥頑梗化罪難寬因除巨寇武非顯回思庸臣心可寒默籲蒼天事機順速望黔庶室家完未能繼志空揮淚七字增慚敢慰安○以攻剿新墟獲勝欽差大臣大學士賽尙阿得旨獎賞賞總兵官劉長清花翎都統巴清德提督向榮賞敘有差○丙辰諭內閣前據潘鐸奏參河南陳州府知府黃慶安被控收受程儀供應降旨將黃慶安解任交該撫審訊茲據審明定擬具奏並自請交部議處黃慶安係該撫保舉之員既經訊明有向屬員借貸情事著即革職潘鐸未能先事覺察著交部議處○河南巡撫潘鐸奏永城等縣雨水過多委員履勘辦理得旨認真查勘勿稍粉飾若再蹈習氣朕必將潘鐸治罪勿謂戒之不豫也○湖廣總督程商采奏遵旨籌防粵匪得旨嚴密防堵毋稍疏懈又奏查探粵西軍務情形並訪拏會匪批督飭所屬勉為之越南會匪潛伏已久俾勿引為患是為至要若內患已成一朝瓦解不可問矣又奏請以丁憂提督余萬清雷辦湖南防堵事宜允之○丁巳以剿擒匪首劉八賞署廣東廉州府知府沈棟輝花翎予提督陶煜文等優敘○戊午祭大社大稷○癸亥潘鐸緣事降調以李德為河南巡撫黃宗漢為甘肅布政使調孫毓汶為浙江按察使以潘鐸為山西按察使○甲子諭內閣前因已革江西巡撫陳汧有被參款蹟當交陸建瀛陸應穀秉公確查茲據陸建瀛等分別查明覆奏陳汧古連魁各喚女優至署演唱陳雋在省寓所亦曾喚

唱一次實屬有玷官箴並先據裕泰覆查陳阡前在候官縣任內有與賣珠翠民婦同賭之事更屬不自檢束陳阡古連魁陳雋業經革職姑免置議移齊訊無聽過女戲惟係地方武職大員並不照列驅逐亦有應得之咎所有革職之案著准其開復仍交部議處至陳阡奏學政收受規費一節見據查明孫葆元張沛考試各府均係循照舊章辦理並無格外需索情事著毋庸議此案陳阡被參各款朕特命學政查辦乃陳阡奏學政陋規即在張帶查參之後並因前充提調時與學政孫葆元結有嫌隙一併牽砌具奏名為因公起見實則有心挾制陳高又復具稟申訴與陳阡所奏如出一轍難保非受其指使巧為詆訐以此特查辦事件被參各員藉端挾制欲使查案大臣先有避謗之心相率為偏扶同隱飾致朕耳目壅蔽於政體大有關繫此風斷不可長至各省學政經朕特簡為士子表率亦各宜砥礪廉隅恪守清規雖延請幕友出棚按試費用較繁而資棚規津貼但各省均有舊章豈容踵而加厲嗣後各學政如有不自愛任意需索者著各督撫隨時查察據實參奏毋稍徇隱○以蔣蔚遠署河南巡撫○乙丑諭軍機大臣等王懿德奏士民呈控番賊擾害請飭查辦並節錄原呈呈覽一摺本年五月以來西甯一帶野番時出搶劫節經薩迎阿奏官兵追捕情形並將遇賊怯懦之都司焦士忠奏參革職先後降旨諭令該署督飭各鎮營實力操防嚴守要隘茲據王懿德奏稱西甯紳士平番善民等於金縣途次具稟並稱曾在署總督處喊稟多次不為查辦是否該署督前奏情形尚未詳盡抑或另有別情見在賊番果否斂迹地方文武如何辦理廩生李國棟等業由王懿德迅交甘省著薩迎阿確切訊明妥為查辦據實覆奏番匪屢出搶劫事關邊防民瘼必應嚴飭剿捕大加懲創方足以衛民生而肅邊圉諒薩迎阿自能懷遵節次諭旨認真整飭不因暫時署事稍形寬懈亦斷不以培善因剿辦番案獲咎遂任鎮將等姑息偷安賄賂貽患也原摺並呈稟二件均著鈐給閱看將此諭令知之○丙寅諭內閣總管內務府奏援案請將永遠枷示之逃走太監改為發往黑龍江永遠監禁一摺向來逃走太監永遠枷號均在慎刑司羈禁原以該太監等愚頑性成就近枷示以昭懲儆若改發黑龍江監禁恐稽察難周或仍致在配脫逃轉不足以示儆其如何變通之處著總管內務府大臣等再行妥議具奏尋奏近來太監紛紛報逃豈不畏法應遵諭就近枷示查番役衙門距慎刑司衙門較近嗣後永遠枷號之太監若積聚較多擬即在番役衙門分禁枷示責令管轄番役司員等妥為稽察從之○諭軍機大臣等陳慶偕奏登州水師戰船被賊占駕海防喫緊擬親往督辦一摺山東登州洋面上年屢遭閩匪劫掠經該省雇募廣艇痛加剿辦盜風稍息茲據奏稱七月二十五日榮城縣石島洋面有盜船十餘隻聯踪抗拒官兵接仗互有殺傷次日副將鄭連登等督兵進擊因眾寡不敵官兵勇盡行落水新舊戰船被賊占駕九隻副將關防文卷盡失望見賊船各有夷人數名等語此項盜船究係來自何處何以內有夷人是否閩粵匪徒偽為夷裝藉以恐嚇或按上年剿捕之餘倖力報復似此猖獗不法實堪髮指必應迅速剿辦除分飭盛京直隸江南於所屬洋面合力堵剿並飭陸續等迅速派得力將備酌撥上海戰船水勇赴東協捕外陳慶偕見已將鄉試監臨事宜委令藩司代辦即日馳赴登郡著督飭新任登州鎮陳世忠登萊青道英桂等調集三營水

師並飭守備黃富興於海艇勇由該鎮統帶出洋剿追剿務將盜船悉數擊獲確究來歷窩巢徹底懲辦勿任竄越外洋及向他省洋面勾結滋擾並著查明鄭運登等所稟在洋力戰破敵轟傷落水後遇救登岸等情是否確實如果該副將等見賊畏怯棄船先遁復敢捏詞飾報即著從嚴參辦另片奏雇船募勇等項需費頗鉅著准其在於司庫廟工生息款內借支銀二萬兩以濟要需事竣後補還款將此諭令知之○諭據陳慶偕奏登州水師戰船被賊占駕海防喫緊一摺洋盜滋害商船拒傷官兵竟將水師戰船占駕九隻亟應多募艇勇厚集兵力痛加剿洗惟該匪往來洋面四路可通江蘇與山東毗連尤應密飭水師將弁一體嚴防勿稍疏漏又片奏上年上海勇船冒因自衛商艇來東頗資協助之力見在山東洋面剿捕盜匪情形甚為緊要必須與江南省合力勦辦方不至有誤事機著陸建瀛等遵委水師幹練將備數員飭令上海商局挑選勇船十餘隻水勇四百名多帶槍礮器械星速駛往東洋幫同勦辦以壯聲威想該督等接到山東咨照已籌畫及此也原摺片均著鈔給閱看將此諭令知之○諭陳慶偕奏登州水師戰船被賊占駕海防喫緊一摺洋盜肆擾急宜嚴防盛京直隸各海口與山東洋面毗連東省既嚴加勦捕勢必至分竄各口著奕興訥爾經額遴委幹員帶領弁兵各於該省海口要隘處所嚴密防堵如有匪徒竄入該二省洋面即著分投截擊杜其逃竄之路肅東洋勦捕更易得力原摺著鈔給閱看將此各諭令知之○丁卯諭內閣戶部奏請飭查福建鹽務辦理情形等語閩鹽東西兩路倒運違額前經劉韻珂奏請改為委員官運甫屆兩年何以復請將東路官領運本統交販戶領運辦理殊屬兩歧著新任總督李芝昌巡撫王懿德確查見辦官運有無把握是否須仍改歸商運如將民捐運本交販戶承領試辦有無流弊查明據實覆奏並將該省鹵務如何整飭通變可資經久之處悉心妥籌奏明辦理尋奏遵查官運幫銷日絀勢難加辦又無殷實商人可以招舉惟有力節虛糜務歸寔在並將代銷名目永遠革除報聞○諭前據駱秉章奏湖北漢陽府屬土民程瑞凱等呈請捐資助餉代已革發遣新疆之前任湖南長寶道楊炳堃贖罪當降旨交程喬采訪察具奏茲據查明該土民等同心愛戴係屬實情惟該革員前次獲咎情節較重且此端一開將來獲罪人員恐不免有援例飾詞希圖邀恩情事所有該土民等呈請代楊炳堃贖罪之處著不准行○諭軍機大臣等前因有人奏河南搶匪劫掠肆行節經寄諭潘鐸飭令嚴行究辦茲據奏稱查明泌陽縣角子山附近村莊並無匪徒盤踞形迹亦無一日搶掠數十家及唐縣匪徒欲行圍城情事見復喬建德夥黨止供有說索錢文各案此係實在情形斷不至釀成事端等語外省州縣於盜劫重案往往心存諱飾化大為小未可受其蒙蔽李德到任尚需時日蔣蔚遠見署巡撫責無旁貸著將潘鐸所奏各情節確加查訪各府屬有無搶匪出沒嚴密緝拏並飭偵捕喬建德務獲懲辦不准稍涉鬆懈尤不准代人受過曲為回護以靖地方而懲積習將此諭令知之○戊辰禮部尚書惠豐平贈太子太保子祭葬諡恪慎○以奕湖為禮部尚書出成補將軍運○己巳諭內閣徐廣縉奏參總兵知府一摺廣西左江鎮總兵德亮太平府知府吳德徵於廣東省匪黨李士清李士明等被勒竄入太平土州之時並不實力勦捕轉飾稱難民不分良莠概行稟請送回欽州原籍辦理實屬乖謬德亮吳

德徵均著交部嚴加議處○諭軍機大臣等據徐廣縉奏參總兵知府畏賊不勦飾稱難民咨送回籍一摺賊匪李士青李士明係李士倡餘匪夥同顏品瑤等在南太兩府土州等處滋擾年餘竄回廣東經該處兵勇痛勦復逃廣西積至四千餘人該總兵知府何以不分兵堵捕轉給路票召回欽州本籍又於何時將李士青等招撫曾否稟明該大臣嚴辦德亮等因李士青等人數眾多該處兵力不足會稟總督暫爲從權辦理是否飾詞推卸抑係兵力本屬單弱爲此將就目前之計見在廣西重兵自以圍攻新墟殲滅大股爲要是否尙能分兵南太一帶協勦勞崇光見駐該處所帶兵勇是否足資調遣著該大臣飭令該司悉心體察隨時稟明酌辦毋誤事機徐廣縉見在督辦羅定州凌十八一股巨匪已飭陶煜文等督帶潮州兵勇於欽州扼其要隘亦未知能否越境會勦是太平一帶兵力空虛亦屬可慮想該大臣已與徐廣縉通盤籌畫計出萬全也本日據奏軍需支發銀數一摺煩爲明晰其潯州府城添設糧臺見委左江道楊彤如管理徐廣縉又奏委楊彤如馳往梧州遏賊旁竄之路此時究竟何處情形最要著與徐廣縉鄒鳴鶴酌量辦理又前據程裔奏湖南武岡營擊獲奸匪陳先得一名據供曾在廣西融縣充當鄉勇被賊擄捉服役六月初一日有大頭目禹老八等派出二十人飭往各處查探等語禹老八係何處會匪何股頭目果否有派出多人各處查探之事著嚴密查拏勿令越境勾結至金田新墟逆匪前已四面堵截奪其後路要隘賊勢已形窮蹙行軍制勝惟在相其緩急不失事機或重圍逼聚而殲旃或設伏誘擒出其不意總須謀定後動正不必急於見功此股會匪一經殄滅即移兵南太一帶勢如破竹朕盼望情殷惟冀該大臣蕩寇安民至軍行一切遲速機宜亦不爲遙制也左江鎮總兵德亮太平府知府吳德徵見交部議均著仍令在軍營效力自贖德亮本係交該大臣察看之員此次辦理乖謬是否畏葸推諉仍著確查具奏將此由五百里諭知寶尙阿並諭令鄒鳴鶴知之○諭寄諭兩廣總督徐廣縉此次德亮吳德徵於地方著名賊目停畱太平土州等處並不實力勦辦反行飾詞咨送回籍實出情理之外其所稱兵力不足之處是否飾詞推卸抑係太平一帶兵力本屬單弱仍宜酌撥弁兵協勦見在勞崇光已抵該處著該督飭令該司察看南太等郡賊勢應如何添兵分勦並知會寶尙阿應酌派何處將弁兵丁前往會辦務須通盤籌畫不可稍分畛域該督檢勦逆匪劉八之後見在籌勦凌十八一股若能速獲渠魁即可移兵廉州督同陶煜文等與廣西太平等處文武會合以全力兜捕庶可漸就肅清該督統轄兩省當與寶尙阿隨時咨商計出萬全慎勿顧此失彼致誤事機至前奏儋州土匪滋事被害之巡檢胡晨署守儋縣宗霖把總張遇春外委林鳴鸞等著查明奏請議卹又署廉州府知府沈棟輝昨因擒獲劉八賞戴花翎該員於道光二十九年勦辦陽山等縣匪徒案內業已得有翎枝此次軍功應如何加獎之處著該督另擬具奏將此由五百里諭令知之○庚午賽尙阿奏副都統達洪阿名望素著向深知其忠勇乃此次帶兵進勦新墟每遇接戰不待兵勇整束齊備先已乘馬獨出實能不避鋒鏑而於隊伍步伐毫無計畫以致所帶京川各營弁兵多有傷挫若非烏蘭泰奏定三處處援應則展瀕於危且性太剛褊於弁兵時加怒罵實罰無紀號令不明軍心渙散若不及早調度難免兵潰之虞臣夙夜籌思欲行參奏則

其人並非退怯欲行撤回則其勢必至決裂適接達洪阿來函見因患病請派大員接帶官兵以便隨營調理因令其赴潯州府城調理將所帶弁兵移交烏爾泰營帶於軍大有裨益又慮其痊愈後復欲帶兵禁止無名用之不可儻蒙召令回京當差既可全其身名又可整肅軍伍上諭內閣達洪阿自到廣西軍營以來奮勇剿賊不辭勞瘁以致舊疾復發朕心實深眷念著毋庸仍留軍營即來京安心調理病痊照舊在京供職○諭軍機大臣等賽尚阿奏進剿新墟見在前後兩路諸營偏近賊巢一摺並軍開各路堵截零匪情形及搜獲逆書偽示各件逆匪盤踞新墟經該大臣督飭統兵將官分路進剿雖未得手亦各有斬擒且以官兵紮營離賊寨較遠恐臨期有誤約會飭令前後兩路諸營先後移紮偏近賊巢以期聲勢連絡布置均合機宜此次巴清德向榮進剿冷田村焚燒賊糧四百餘石該匪糧食漸少難保不鋌而走險別圖搶掠且據探訪逆首章政等冀圖竄越勦化該處七十餘村屯積頗多且與胡以洗等花州舊巢毗連見值秋稻成熟之時更當分飭各該處弁兵嚴密堵禦斷其接濟並曉諭村民自相保衛毋令積穀之所轉齎盜糧見在軍營偏近賊巢糧臺尤關緊要務須督率防護弁兵慎密守禦萬勿稍存大意該匪雖於附近多增本寨復於稻田設荊棘等物難保不外示拒守陰思他竄其後路鵬化一帶業經派兵防堵其西南羅涑崗若設計誘令賊匪宣入以懈其死守之心攻剿更易得力偽軍師楊秀青偏貼偽示編造妖言煽脅愚民實堪痛恨必須將著名各逆首設法殲擒勿令漏網以快人心該匪等被圍窘急正似困獸猶鬥之時若冒險輒進稍有挫衄賊蹤恐致復張總宜計出萬全算操必勝昨已諄諭及此諒該大臣操縱緩急自有權衡也至單開各股零匪並無德亮等稟報李士青等股咨回欽州一節著仍照前旨確實查辦所有傷亡官兵文瑞等著查明請卹署遊擊袁貴殺賊深入不知下落一併查明具奏將此由五百里諭令知之○前任禮部尚書龔守正卒贈太子太保子祭葬諡文恭○辛未盛京將軍奕興等奏福陵隆恩殿工程完竣請飭欽天監諏吉由東配殿恭請神碑還御得旨該衙門敬謹辦理○甲戌諭內閣前經特召前任太常寺卿唐鑑來京疊次召對嘉其品學兼優器識安定欲令留京供職念該員年逾七旬力陳衰老若使勉強服官轉非所以示體恤唐鑑著加恩賞給二品銜仍留江南主講書院江南爲人文淵較得老成碩學爲之教導俾後進有所矜式於士習民風當有裨益也○乙亥諭軍機大臣等奕山布彥奏會談俄羅斯迎商事竣擬定章程並開單呈覽一摺此次俄羅斯使臣來赴伊犁會議通商事宜該將軍參贊公同酌定條款內如卡外搶案中回國銷差之據辦理尙屬妥協見在該使臣已回本國所有伊犁塔爾巴哈台一處貿易是否即自明春試辦每年清明後入卡冬至節停止其辦理通商安靜情形如何分別奏咨存案並內地商民如何稽查約束一切未盡事宜仍著該將軍等悉心妥議具奏軍內第二條商人與夷商交易彼此設官照管係由營務處派員前往各自秉公辦理經此次議定後常時貿易全賴派出之員彈壓撫綏照管一切遇有爭關小事公同剖斷不至因小釀大邊防所繫最爲緊要必須遴委廉直公正之員通曉事體而不貪小利